



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

7. De profectione B. Virginis & Iosephi in Bethlehem.

[urn:nbn:de:hbz:466:1-60091](#)

beo baptizari, & quomodo coarctor, donec *Luc. 12.*
persiciatur. Quantò interim ardore pa-
tiendi, & pro peccatis nostris satisfaci-
endi se in angusto virginalis vteri carce-
re per nouem menses continuerit, & in
illo veluti secessu se armis humilitatis,
patientiae, obedientiae, resignationis,
zeli gloriae Patris & salutis humanae, ad
configendum in carne nostra mortali-
cum superbissimo humani generis ho-
ste, munierit, prædictarum virtutum
actus intensissimos frequentando, uti
olim in secessu in Eremum 40. dierum
contemplatione, oratione, iejunio ad
idem certamen consummandum, & præ-
dicationis officium inchoandum se erat
dispositurus? Enideam secessus spiritua-
lis ad feruorem spiritus instaurandum
subinde instituendi, auidè amplectendi,
sancteque impendendi.

In Vigilia Nativitatis.

*De profecitione B. Virginis, & Iosephi in VIII.
Bethlehem. Luc. 2.*

I. *A*ppropinquante Virginei partus
tempore, Octauianus Augustus,
D 6 cum

cum edicto Cæsareo orbem describi curasset vniuersum, iussissetque per Cyri-
num præsidem in Iudæâ qucmq; in sua
ciuitate nomen profiteri , tributumque
soluere:ea occasione ascendit Iosephus
e Nazareth in Bethlehem , vnde erat
oriundus , cum B. Virgine prægnante.
O admirandam diuini Numinis prouid-
entiam ! nihil enim minus Cæsar Au-
gustus , ambitione ad ostentandam im-
perij sui magnificentiam , & cupiditate
auri coaceruandi ad hanc descriptio-
nem inductus , cogitabat , quām subser-
uire diuinæ prouidentiæ in execuione
diuinissimi mysterij hac occasione,
prout prænuntiatum erat,in Bethlehem
complendi!

Quis non obstupescat hoc tam miro
& improviso modo impletum illud Mi-
Mich. 5. *cheæ vaticinium : Et tu Bethlehem terra*
Iuda , nequaquam minima es in principiis
Iuda; ex te enim exierit dux qui regat populum
meum Israël . quod alias vix videbatur
humanitùs posse impleri , cùm tempus
partus instaret , nec ratio vlla tam alieno
anni tempore e Nazareth in oppidum
*benè remotum Bethlehem peregrina-
rum eundi apparceret Quām exultabun-
da B. Virgo cum sancto Iosepho hoc*
*quantumvis asperum , prolixum , horri-
dumque*

dumque præsertim brumali tempore iter confecerit, non grauata, sed subleuata sacra, quam ferebat, sarcina, suspenfa in admiranda & magnificanda tam suaui, & mirabili, quam clarè agnoscebatur, diuina prouidentia? quam ardenter mente in Deum, quem in utero gestabat, defixa, familiares sibi humilitatis, gratitudinis, amoris, resignationis affectus continuò exercuerit? quam diuina nunc cum illo, nunc cum Iosepho miscuerit colloquia?

O si & tu simili pietatis sensu iter peregrinationis ad cœlestem patriam instituere merereris, diuinam prouidentiam semper, & in omnibus admirando, eosdem affectus, eadem colloquia frequentando, quanto gaudio omnes exiliij tui molestias sufferres? quanto meritorum augmento difficultibus omnibus superatis metam laborum omnium attingeres, & tandem, quod tendis, feliciter peruenires? Admiratio diuinæ prouidentiæ, & frequentatio affectuum prædictorum, amor studiumque piorum colloquiorum.

II. Beata Virgo cum Iosepho ærumnoso fatigata & fracta itinere cum Bethlehem attigisset, nullum inuenit tam hospitalem ciuem in tota cognatione

D 7 sua,

sua, qui peregrinam grauidam domo exciperet, ob ingentem hominum multitudinem cæsareo edicto istuc euacatorum, qui omnia hospitia præoccupabant. O quot sceleratissimis etiam peccatoribus satis commoda tunc suppeditabant diuersoria; sanctissimis autem his tribus personis, Filio Dei, Beatae Matris, & Iosepho nutritio eius excipiendis ne angulus quidem ullus reperiebatur! Non erat ei locus in diuersorio. O quoties etiam hodie cæci peccatores cordis sui ianuam mundo, carni, dæmoni referant, Christo præcludunt! En quomodo contemptum mundi, amorem paupertatis & contemptum sui nobis inculcat! Iesus necdum natus, qui *in propria venit,* & *sui eum non receperunt.* iam tunc implens illud: *vulpes foueas habent, & volvres cœli nidos,* Filius autem hominis non habet, ubi caput reclinet: Quām sereno hilarique id B. Virgo cum S. Iosepho tulerit animo, non ignara filium venisse de cœlo, ut genus humanum per amorem mundi, & sui perditum, per contemptum mundi & sui repararet. Compassio, contemptus mundi, amor paupertatis, contemptus sui:

III. Beata Virgo cum sponso suo omni hospitio exclusa, oppidulo digressa subiit;

Iouan. 1.

Luc. 19.

bijt annexum mœnijs stabulum, seu specum, quæ erat ad pedem collis, in quo Bethlehem erat sita, versus orientem, ad quam peregrini pastoresque, ingruente tempestate se recipere solitabant. Quam exultabunda in spiritu cœlorum regina, diuinorum conscientia secretorum, hoc oolidum, humile, angustum, squalidum, cœlique iniurijs peruum braturum pecudum rugiolum subierit, illuminatissimis oculis mentis certo cognoscens hoc decempedale gurgustium suis delegisse cunabulis illum, qui tribus digitis molem terræ appendit, quem soli polique vastitas non comprehendit! Quam insolito pietatis sensu, quam largo lachrymarum profluvio in consuetos suos affectus laudis diuinæ prouidentiæ & bonitatis, gratitudinis, humilitatis, amoris, resignationis eruperit, sui omniumq; creaturarum obliterata! Imitatio B. Virginis in præfatis affectionibus frequentandis & re ipsa exprimendis.

In festo Natiuitatis Domini.De Natiuitate Saluatoris. Luc 2. R.I. **B**eatæ Virgo cùm medianam penè noctem.